


Lestowski Alb. Casimiri Monumentum horum.

phala —

PANEG. et VITAE
Polon. Fol.
A^o 1011.



MONUMENTUM TRIVMPHALE,

coronatis duobus Colossis,

immortali gloriæ,

Illustrissimi olim, & Magnifici Dñi,

D. STANISLAI à POTOK

POTOCKI,

CASTELLANIDÆ CRACOVIENSIS,
HALICIENSIS, COŁOMYENSIS &c. &c.

PRÆFECTI,

in maximo cum Turcis ad Viennam conflictu,
pro DEO, fide, & Orbis Christiani conseruatione,
mortē gloriosissima sublatis;

Dùm ei,

publico omnium dolore, & magno sepulchrali apparatu,
in Ecclesia Collegiata STANISŁAWOVIENSI,
Iusta Funebria persoluerentur,
in argumentum debitæ venerationis, & gratitudinis,

⁂

M. ALBERTO CASIMIRO LESIOWSKI,

Philosophiæ Doctore, Canonico, Rectore,

& Ordinario Eloquentiæ Professore Stanislauouienſi,

eiusdem Academia Stanislauouienſis nomine,

parentali obsequio,

ERECTVM.

Anno Salutis, 1684. die 20 Mensis Aprilis.

CRACOVIAE,
TYPIS VNIVERSITATIS.



21. 211

In Gentilitium Insigne,
ILLVSTRISSIMÆ DOMUS POTOCIANÆ.



Tergeminæ CRUCIS hîc, Victricia symbola regnant;
Martis vbi Lechici, regnat in Orbe decus.
In CRUCE tota salus; pro qua POTOCIUS Heros,
Onimiùm cecidit, victima grata DEO!
Sanguinis hoc pretio, stat libera facta Vienna;
Hoc est in summo vincere, sic cadere.

CELSISSIMO, & ILLUSTRISSIMO
HEROI,
ANDREÆ
à POTOK
POTOCKI,
CASTELLANO CRACOVIENSI,
Halicien: Lezayscen: Sniatynen: Colomyen: &c. &c.
GUBERNATORI,
Domino, & Patrono Amplissimo.



*M*agnitudinem doloris Tui, Monumentū hoc non
auget; sed imminuit; dū coronatum à morte,
palmis, & laureis victricibus, Filium Tibi sistit.
CELSISSIME, & ILLUSTRISSE HEROS.
Orbis ille quidem lachrymas, nedū Paternas
meruit, fateor. Sed ubi tanta lachryma? quæ voraginem hanc
impleant; cui sola par mensura, eternitatis sine mensura abyssus.
Excedit dolendi materies, vim omnem dolentium; unico tamen
sananda remedio: si nimirum immanem vim mœroris, excessus
gloria vincat. Ea mihi, in hoc Monumento Triumphali mens
est; Colossus, & metam dolori figere; theatrum aperire, & magni-
ficentiam triumpho; ut Filius Tuus gloriosissimus, qui superavit
annos, & Heroas virtute; excedat secula posthuma, & omnem
posteritatis admirationem, triumphandi ab obitu maiestate.
Quamquam hæc, nunquam illi par surget; nunquam exæquabit
immensum glorie illius; quod emensus est breui compendio; tot
panegyres promeritus, & coronas; quot profudit sanguinis gut-
tas. Absolvit ille Olympia sua, cum Orbis stupore; Victor non
Olympiade, sed momento. decurritq; à calce, quod aiunt ad colu-
mnam, tam pernix ad glorie coronas; quàm si, Olympici ad Vi-
ennam stadij medium, non tetigisset. Tuus hic CELSISSE
HEROS, in lacrymis dulcor; Tua in pelago doloris, solatij gut-
ta; sed quæ deinceps, diuinis solatijs, & maiori in dies tanti no-
minis celebritate, in perennem excrescet glorie fontem. Multum
Tibi debuit semper, & debebit aternū Patria nostra; quod in
Te, antemurale suum, in partibus illis continuo sentiat; in qui-
bus Mars ipse, & contra barbaras gentes, tota virtutis bellica,

excubat palastra. Secura fecisti toties, & quotidie reddis, viscera interiora Regni; vite, sanguinis, & fortunarum Tuarum, tanto dispendio; quantum nulla Tibi diues Lydia, nullus Indiarum Ganges rependet: & cui computando, ut sola non nisi recte factorum conscientia; ita & coronando, solum non nisi aternitatis Capitolium sufficit. Quicquid tamen contra Noschuam, Borystenem, Mæotidem, Leoneſq; Suecicos; contra Aſiam, Pontum, & Iſtrum militaribus copijs Tuis, virtute, & fortitudine Heroica egisti; quicquid in Senatu, pro Religione, pro libertate, pro legibus publicis, & ſalute communi, ſummâ prudentia, & authoritate decretum perfecisti: totum id, unicâ hac, pro Orbe Chriſtiano euisceratione Tui, & tanti Filij oblatione vicisti, exceſſiſti: ut iam meritò, in eodem Monumento triumphali; & oblatus à tanto Patre Filius, & Pater in tanto Filio coronatus triumphet. Quod quidem, ſupra Coloſſos Triumphales aternitati ſeruandum, Academia Tua ſtanisławouiensis, parentali obſequio, per me ut exprimeret; & vis ſummi doloris, & deuincta aternum maximis beneficijs, gratitudo popoſcit; cùm Palladem noſtram, ex cordem omnino, & ſine ullo viscere, publicum Orbis iudicium crederet; ſi in tanto munificentiffimi Fundatoris ſui cordolio, in minuta cordis afflicti fragmenta, non ſcinderetur; ſi minimo quamuis conatu, maximum Tanti Parentis Filium, aterne memoriae non conſecraret. Moles igitur triumphalis, non Pario lapide ſubſtricta, nec are Corinthio ſuſa; ſed ſupra quoduis opus Auguſtum, morte Filij Tui, & faſtigio gloria in immenſum aſurgens; ponitur illi à nobis, in Orbis Chriſtiani Capitolio; pro quo, caput ſuum poſuit, innocenti ſanguine purpuratum. Tibi verò CELSISSIME HEROS, vectigal hoc doloris, & cor Tuum in Filio, profunda veneratio mea ſic dedicat; ut in eodem ſinu Patris, in quo dulciter vixerat; poſt obitum quoq; Filius placide conquieſcat. Pande huic pretioſo depoſito, viscera Paterna; pande & opella mea, ampliſſimi Patrocinijs locum. Deoq; ſolatia Tibi, pro ingentibus lachrymis rependente; naſcantur, quod voueo, ex illis, & ex ſanguineis Filij Tui guttis; in Celſiſſima Domo Tua perennes, dierum, & Annorū gemma; honorū, meritorumq; Purpura, & Corona.

ILLVSTRISSIMÆ CELSITVDINIS VESTRÆ,

Clens deditiſſimus,

& indignus coram Deo Exorator,

M. ALBERTVS CASIMIRVS LESIOWSKI,
Philosophia Doctor, Canonicus, Rector, & Ordin: Eloquentia Profeſſor
ſtanisławouiensis.

MONUMENTI TRIVMPHALIS, COLOSSVS I.

CELSISSIMI POTOCIANI Sanguinis,
auito per tot secula splendore
INSIGNITVS.

Cordolium morti, nemo vnquam acerbius dedit;
quàm qui in bellatorum Augusto funere,
lachrymas vertit, in triumphos.

Promiscuum dolendi genus est, quod lamentis agitur;
habetq; Niobem suam, vdo semper oculo;
sed corde sicco.

nempè, qui egeritur dolor, facile arefcit.

Mors bellatorum angusta,

quia sanguine proprio purpurata,

supra omnes lachrymas, supra luctum,

pro atra nube, & pullatis vestibus; leta conchylia,

& solenne paludamentum induit;

quia nemo angustius vicit, quàm qui in purpura cecidit.

Capulares vrnae,

non capiunt exuias sic morientium;

nec Artemisiae mausolæa Cineres huiusmodi;

sed Orbis Capitolia poscunt.

Triumphale proinde opus,

immortali gloriæ Tuæ, coronatis molimur Colossis,

Bellatorum xui nostri, in flore gemma;

sed & victima Deo gratissima,

Celsissimi Sanguinis,

ingens vt delictum, sic & doloris stupor,

B

STANI-

STANISLAE

à POTOK

POTOCKI,

Castellanida Cracouiensis,

Præfecte Haliciensis, &c.

Heroum in puncto epitome, & coronis.

Solum Tibi gloriæ,

non mortis Sarcophagum meruisti, cruore illo purpuratum;

cuius singulæ guttæ, singulæ pro Orbe Christiano gemmæ;

redemere paratas nocentibus plagas,

hostiâ innocent.

Scilicet hoc Pilauium, hoc POTOCIUM,

non guttatim, aut per stillicidia sanguinem;

sed totis quasi Ostijs trudere;

Et ut nunquam vivere, sine purpura honoris;

sic Et nunquam, sine murice sanguinis mori;

maxima tum generosissima animæ letitiâ;

cum pro alijs, usq; ad ultimam sanguinis stillulam effusa,

exuvias corporis purpurata relinquit,

OScipiones in prælio! ô Decij in morte!

iàm vobis septimum, à ZYROSLAO Pilauio seculum,

fortitudo bellica numerat;

sed palmas, & victorias computat nunquam;

nisi quis computare sufficiat, cruentas in flumine Pilauio guttas;

vbi perfidia Prussorum, proprio sanguine hausta,

tergeminæ Crucis, posuit magnis POTOCIIS

Trophæum purpuratum.

CONSTANTINOS magnos, omnes diceres;

tam feliciter in hoc signo vincunt, tam anguste triumphant,

prodigio sanè Cælesti;

ut nemo, ex omni barbarie, ferox Maxentius,

virtutem Sarmaticam irritet;

cui non POTOCIVS, cum triumphali Cruce,

sit CÆSAR, sit CONSTANTINVS.

Augustissimi Sanguinis Pilauij,

quæ in MOSKORZEVIIS, KAMIENIECIIS, BUCZACIIS,

STANI-

STANISLAUSCIIIS, gloriæ diluuiâ fecerant,
omnia flumina fluunt, in Pilauam, & Pilaua non redundat;
ex quo, vel in solis POTOCIIIS, factus est Oceanus sanguinis;
& gemmearum in bello animarum profundum,
sine fundo.

*Erythraeos vortices, Indum, & Gangem
citiùs exhauseris;*

quàm Heroum, ex hoc sanguine gemmas;
qui in IOANNE POTOCIO, Pannoniam quoq; attonitam fecit;
quando iam tum coronatus, & augustæ Maiestatis esse cœperat;
dum pugnat inuictus, pro corona, & gemma
Pannonicæ Maiestatis.

ALEXANDROS, BERNARDOS, ALBERTOS,
NICOLAOS POTOCIOS,

*prisci cui, non nomina virtutum, sed monilia,
sacri gazophilacei sui, loco non moueo;
fatis stuporis, fatis gloriæ,*

in IOANNE POTOCIO Palatino Bracklâuiensi,
Generali Podoliæ,

vel ipsa Gradiui confessione;

*qui totus in vno pectore miratus est seipsum,
ad Istrum, Tyram, Tanaim, & Volgam,
internecioni hostium superesse.*

Bellator ille palmarum sine numero,
ad Naupactum contra Turcas maritimo bello,
primordia Victoriarum cum cœpisset;
contra ROZVANVM deinceps, & MICHAELEM Palatinos Moldauicæ,
nunquam non Victor,

Scythis, Moschis, Dacis, Cosacis, sine numero fufis,
in ANDREAM POTOCKI germanum suum,
Castellanum Camenecensem,

Martis genium transfudit,

*spiritu ingenti, & Leonidæ simili;
cui nullæ unquam Thermopylæ in angusto.*

Dacicus hic sæpius Triumphator,
& pro SIGISMUNDO III. in tumultu Ciuili Achilles,
IACOBO POTOCKI Palatino Bracklâuiensi,

coronarum fraternæ gloriæ magnitudinem concessit,

Murales, Ciuicæ, Obsidionales,

& quotquot vspiam triumphales coronæ,

huic capiti non suffecere vnquam;

cui nec Orbis Hyperboreus ad victorias suffecit,

nisi coronas alibi quæsisset;

stupore hostium, an fulmine?

cùm Moscuæ, Pontus, Propontis, passim vbiq;

sub tanto Bellatore caderet;

ceû Iouis tonitru, contra Titanas detonante,

Smolenscum certè,

SIGISMUNDI III. augustis fascibus restitutum,

Camillo huic Polonia debet;

qui primus in Urbis mœnia cùm euasisset,

Moschua propè in excessum raptâ,

ostendit munimenta omnia, virtuti cedere;

quæ sola Spartam, cùm munisset;

turres, & mœnia non poposcit.

Opus hoc memorabile,

non aliter æternitati consignari poterat;

nisi signaculo mortis;

dùm Smolensci, in theatro incomparabilis virtutis suæ,

POTOCIVS Occumbens,

coram Orbis facie spectatissimum duxit,

etiam in morte triumphum.

Proximus illi, coronarum stephanomate,

& triumphorum gloriâ,

STEPHANVS PTOCKI Palatinus Brac'lauiensis,

Generalis Podoliæ, Regni Notarius Campestris,

mens ipsa Martis, & Heroum amussis;

cuius virtuti, ipsa etiam hostium nomina defuerant;

cùm quicquid vspiam hostile, vicisset.

Dacia infida, paludosa Mœotis, rigens Moschua,

Suecia Regi suo rebellis, vertiginosus Zaporouiensium turbo,

coniurato hic scelere, non profecerant quidquam,

contra STEPHANVM,

plenum gratiâ, & fortitudine;

qui

qui cū omnia, in triumphales manubias vertisset;
etiam ex Ciuili seditione,
inuieta fide, & constantiā triumphauit;
dū ad coronam Regni, & Augustam SIGISMVNDI III. Cōsortē,
Cracouiæ defendendam electus,
tanta sui æstimatione probauit;
maiestatem virtutis, cū ad summum euaserit;
etiam coronis Regum, & Augustis Consortibus,
seruare in puncto discriminis,
Augustale honoris, & punctum Maiestatis.
Quanquam id POTOCIANO Sanguini,
propè hereditarium,
pro Coronatis Capitibus, in murum Aheneum durari;
seruareq; Orbi Cimmelia hæc;
quibus supra humana omnia, inæstimabile pretium,
Cælestis vnctio dedit:

quo titulo,
Regum æui sui intelligentia, & tersissima pupilla,
SIGISMVNDVS I. Poloniæ REX,
NICOLAVM POTOCKI, Generalem Podoliæ Gubernatorē,
Regali Ocello suo,
SIGISMVNDI Augusto Filio,
Argum centoculum olim delegerat;
ut tanto excubitore, & tanto in rebus Maiestatis Catone,
purissimam Regis, ac verè delicatam pupillam,
etiam minimus, sub cortina Regali, non aspergeret puluisculus.
Sed quā inter Palatia Principum,
ad seruandos Regum Vniones, ingens POTOCHIS animus;
tām in cruento Martis theatro,
ad seruandam Patriæ salutem, fortitudo propè stupenda,
septenis iam seculis, quot POTOCHIOS,
tot Gradiui miracula dedit;
quorum vel ipsa nomina Orbi proferre,
panegyres dicere est, & coronas;
quarum

NICOLAVS POTOCKI, Castellanus Cracouiensis,
Exercituum Regni Dux Supremus,

absoluisse compendia omnia visus,
cū exhaustisset, quicquid vspiciā gloriosū; nō exhaustit subsequentiū decora;
sed noua illis, operum, & laudū ingentium, secula reliquit.

*Liouonicus, Moschicus, Otthomannicus,
Scythicus, Cosacicus Maiores,
herbam illi ubiq; porrigens, non oppressit in herba gloriam;
sed consq; extulit;*

vt Regum gloria, & triumphus, Sereniss: olim VLADISLAVS IV.

Augustus illi fuerit panegyristes;
elogio tanti Principis indicante;
quanta fuerit virtutis bellicæ, & triumphalis gloriæ,
in tanto Bellatore Maiestas.

Excessit hāc seculo nostro,
quæsitam bellis maximis, trophæorum omnium magnificentia,

STANISLAVS POTOCKI, Palatinus Cracouiensis,

Exercituum Regni Dux Supremus,
ILLVSTRISSIMI POTOCHII nostri

Auus Bellicosissimus;
*cui augustum venerande ætatis senium,
non tam incanuerat annis;
quā effloruerat triumphis.*

In bello Ciuili Regi fidus; contra Carolum Sudermannum
Ductor strenuus;

contra Moschouæ tyrannos, vsq; ad BASILII SUYSCII
infames catenas inuictus;

Osmano ad Chotimum formidandus; Schino ad Smolenscū non ferendus;

ex Gustavo Adolpho sapius Victor,
Scythis, Bystoniabus, Cosacis, Suecis,

Transylvanis, Moschis,
vsq; ad Cudnouientes ex Szeremeto palmas,
Achillæa virtute memorandus,

emenus est vitam, non spatio viuendi,
sed bellandi;

cuius triumphalia vestigia, dum sequitur,
breui compendio complexus est,
magnum in bellica, & Senatoria purpura Auum,
auito, & proprio purpuratus sanguine,

NEPOS.

MONV-

MONUMENTI TRIVMPHALIS, COLOSSVS II.

Breuis, sed laudatissimæ vitæ,
Mortisq; gloriosissimæ, palmis, & laureis victricib;
CORONATVS.

PUrpura, & splendor Magni Sanguinis,
heroicas mentes, supra conditionē mortalem, non extollit;
sed immortalia sapere docet, tantò excellentius;
quanto purpuratis vestigijs, augustius ducuntur,
ad thronum, & imperium mentis.

Admonet Celsissimus Sanguis,
licere quidē ignobilib; animis, alto Endymionis stertere somno;
sed non Heroum intelligentijs;

*quas segregauit, mens illa æterna, rerum omnium creatrix;
ut mouendo continuis vigilijs, præficeret Orbi.*

Splendidissimum genus Senatoriæ purpuræ,
hæc Tibi purpurata ad immortalitatem vestigia,
hunc mentis excelsæ dederat principatum,

ILLVSTRISIME, cui Parentamus,
STANISLAE POTOCKI,

inter Poloniæ Decios, seculis omnibus memorande.

Tanta Heroum Series,
tanta armorum, & triumphorum gloria,
in Sanguine Tuo;

*quæ Tibi in Colossum Monumenti triumphalis surrexit,
classicum Tibi fuerat immensi ardoris,
& stimulus ingens animi illius;*

quo cū triumphalia maiorum Tuorum gesta,
præcessisse Tibi in exemplum, præ gaudio arderes;
maximè arsisisti ad triumphum virtutis,

in Teipso.

Habe

Habe igitur monumenti Tui,
coronatum rursus Colossum;
quem Tibi ipse, operum excellentium Dædalus,
vitæ quidem, & mortis gloriosissimæ compendio;
sed architecta virtute erexisti;
non tamen sine archetypo, & Idea absolutissimi operis;
quam Tibi, Celsissimus Parens Tuus

ANDREAS à Potok POTOCKI,

Castellanus Cracouiensis,
in vno æui nostri delicio, POTOCIANÆ gloriæ,
tot secula complexus,
plusquam Phidiæ, & Praxitelis exquisitam
dederat ad amussim.

Magnificentia virtutum, si uspiam purpurata:
in hoc Poloni Senatus Principe,
tantæ purpuræ trabeam induit;
quantam sola nonnisi admiratio capit;
meritis bello, paceq; tam ingentibus;
ut scribentibus de se, pro elogio imperet silentium.
Purpura hæc inter Curules Senatorias splendidissima,
rubuit primum millies,

Moschico, Suecico, Colacico, Scythico,
Otthomanicoq; inter barbaras acies cruore;
nullo seculi nostri Gradiuo, nulla bellorum ingentium mole;
quæ Atlanti huic non incubuerit,
usq; ad laureas, & triumphos.

Copiæ militares sumptu maximo,
in quemuis hostium datæ;
vita tota in cuspide Martis, & hostili subiectu;
spiritus in acie millies effundi paratus;
tota anima in Gradium transfusa;
cum omnia pro Deo, Religione, & Parria profudisset;
corde ad extremum euiscerato,
ipsam cordis medullam, pro Orbis Christiani vita,
Filium in victimam dedit.

Supra hoc eminentissimæ virtutis fastigium,
nullus apex eminentior,

eripit

eripit stupentibus cor, & mentem ipsam;
contemplatione profunda, nunquam satis capiente,
datum seculis omnibus in exemplum,
tantum, & tam amantem boni publici,
Patrem sine exemplo;

in quo,
ut magnitudo animi, & summa virtus,
& in Ecclesiam, Pallademq; Stanislauouensem,
magnificentissima sacræ liberalitatis profusio,
sine pari;

ita & Celsissimæ Matris,
ANNÆ POTOCIÆ,
Castellanæ Cracouiensis;

pietas, innocentia, conscientia nitor,
& in egenos euiscerata charitas,
supra omne elogium, id meruere;
ut Filius pro fide, & Ecclesia caderet,
in Odorem suauitatis
Hostia Deo gratissima,

Archetypo huic in magnis Parentibus,
accessit & alia, summæ gloriæ in tanto sanguine amissis,

ILLVSTRISSIMVS nimirum Patruus,
FELIX à Potok POTOCKI,
Palatinus Cracouiensis,

qui rerum gestarum magnitudine,
eam Orbi Polono felicitatem peperit;
ut Heroum ferax, viris triumphalibus non egeat;
donec in Martis purpura triumphat

POTOCIVS Sanguis.
Contra inimicos Crucis Christi, cum tergemina Cruce sua

Heros hic maximus,
fortis ubiq; , & inuictus in bello,
Felix, & victoriosissimus in triumpho,
virtute, & manu pugnacissima adortus est,
quidquid vspiam, etate nostra, barbarum, & hostile,
prouocauit aciem Sarmaticam, ut in trophæa concederet;
quorum ex Moschis, Suecis, Cosacis, Scythiis, Hungaris,

augusta opera, FELICI POTOCIO
 cùm surrexissent;
 incomparabili virtute, & fortitudine erectum,
 omnium stetit,
 Augustissimum ex Turcis Viennense.
 Quidni igitur
 indolem excelsam, & genium Pilauâ dignum,
 POTOCIVS noster hauserit?
 ex tam Heroico maiorum Spiraculo;
 & in eo, generosissimos spiritus animauit in immensum.
Non hic tantum Auunculus Hector;
sed totus Gradiui sanguis,
Pergama fecerat, etiam Spartano robori imperuia;
ubi satis erat, inter cordatissimos censerit,
 POTOCIVM nati.
 Quanquam inter hæc armorum rigida,
 & à Maioribus, ad seueriora traducem spiritum vrgentia,
 mira quoq; cultissimis artibus gratia,
 & delicatus eruditæ Palladi locus;
 in quo patritiæ Stanislauouiensis Parnassi Musæ,
 florida omnia, primo sapientiæ cultu,
postquam egregiè plantassent;
coronidem venustissimo operi imposuit,
 Jagellonici Studij, annosis Scepbris, & meritis,
 coronata Mater, Vniuersitas Cracouiensis;
 stupuitq; in ore POTOCII, ipsas mellificasse Gratias,
 & Hyblam, & Hymettum;
 cùm auspicia Studiorum in Collegio Vladislauiano,
 florentissimæ Pubi Sarmaticæ, in triumphantibus rostris,
 coronatus rosis, & lilijs innouaret,
 POTOCIVS Orator.
In hoc erudito sinu Gratiarum,
usq; ad excellentiam ingenij, & suaves Musarum delicias,
spei publicæ formatus;
 in Orbem Europæum, & Solem exoticum prodijt,
 claritudine animi sic promicans;
 vt omnium corda ab eo, ceu a Sole atomi raperentur.
 Augusta

Augusta Vindelicorum,
Alemannico primum idiomati delecta;
mox Augustal Viennæ,
& Imperij Occidentalis sacra,
in Augustissimo LEOPOLDO Maiestas,
perspicaci oculo, & usu prudenti obseruata,
ad Principum Consortia, & amicitias,
animum POTOCCI cultissimum duxit.

Hasere in eo,
Celsissima Aulæ Cæsareæ capita,
complexu, & æstimatione maxima, miræ animi elegantia;
qua se tota infuderat selectissimis pectoribus;
sed dilecta maximè,

Principi æquè bellicosissimo, vt & humanissimo,
CAROLO HYACINTHO

Duci Lotharingæ,
tantam fecerat mentium cohæSIONem, tam aureas intus catenas;
vt quamvis POTOCIUS Viennam dimitteret;
ex animo nunquam dimissus, augusta Lotharingi vincula,
& felices amantium vbique circumferret,
tot Principum nexus.

Adria hinc, & stupendus Venetijs Neptunus,
exceptit purpuratis Argonautam hunc carbasis;
non Phrygiæ velleris, aurea quærentem spolia;
sed dites animi fodinas,

& ditissimæ prudentiæ, maiorem Colchide gazam.
Seruijt tanto desiderio, etiam Aulonia tota,
lubensq; Capitolio suo annuit,
Roma Orbis, & animorum Princeps;
cùm Portam Sanctam, magno per Orbem iubileo;
& Paterna

INNOCENTII XI. PONTIFICIS Max:
viscera POTOCCIO aperuisset;
ex quibus, cælestium diuitiarum, medullam sanè eruit;
cùm donata sibi,

à Vicario in terris Christi INNOCENTIO,
Sacra D. VINCENTII Martyris Lipsana,

breui & ipse VINCENTIVS, pro Orbe Christiano futurus,
manu verè innocenti recepit,

Felix tam insigni thesauro,
& iam animo Superis coronatus,
inter lilia Galliæ Parisijs,
suaueolentiâ virtutis, & pectoris niue;
liliet quoq; Gallici,
augustas in se traxit delicias;
venustissimæ gratiæ, ob ebur illibatum,

Regi Christianissimo carus,
& vt flos Heroum æstimatus.

*Secuta pares in Belgium Gratiæ,
non humanæ tantum, sed cælestes;
quàm cū sinu fauenti, & excubijs ab altò præsentissimis tulerint;
vicinum Bruxellis discrimen ostendit.*

Tranare flumen nauigio, vrgebat itineris cursus;
quod à multis numerosius infessum,
cū inter vndarum vortices, militaris etiam insolentia grauât;
correptis pyrio puluere, & haustis flumine plumis;

Cælesti Nauarcho sic agente,
facta est prora POTOCIO salus;
cū victimam portaret, calentibus zelo fidei flammis,
in holocaustum Deo acceptabile destinatam;

cui seruandæ, directrix pupilla fuerat,
Summi Vir iudicij, & animi selectissimi,

STANISLAUS CONSTANTINVS KOWALSKI,

Canonicus Varmiensis;

S. R. M. Secretarius.

Felix in tanti sanguinis gemma;
quod ei ex deposito luo, cælesti custodia,
non excidisset.

*Ita sub Diuino intuitu, ductuq;
peragrata Belgicæ Prouinciæ, maritimaq; Hlloandicæ,
& quidquid sub axe illo visendum.*

itumq; in caros Patris, & Patriæ complexus,
occurso illo; cuius gaudiorum nectar,
soli nouère, qui dilexerant summè.

Sed

Sed post ingentia viarum, modica quies;
magnitudine animi, & rerum gerendarum ardore summo,
non permittente genium illum, publicæ rei capacissimum,
privatis domi penatibus claudi.

In solem publicum, & quidem augustum,
Serenissimi, & Inuictissimi PRINCIPIS,
I O A N N I S III.

vbi prodijt mens illa, in operum maiestatis splendore
defig; & ex utroq; Cæsarem nosse auida;
tanti Principis crysim, in amorem, & dulces gratias;
Solumq; Maiestatis, vertit in elogiū virtutis.

In Comitijs quoq; Regni, gemino Nūtij Terrestris munere functus,
in splendidissimo illo theatro, vicit expectationem omnium;
ante laticlavium honoris, iam circumferens,
consilij in animo purpuram, & Senatum.

Anhelitu tamen maximo, non dilexit Martem, sed deperiit;
accensus face, & æstu sitientissimo honesti;
dum Otthomannus, bellis accenderet Orbem.

Classicum in Oriente,
pugnacissimæ animæ, dulcis Amphion,
exciuit in illa, bellaces P O T O C I O R V M spiritus;
vt omnis seculi exempla, absolueret in puncto;
nec poterat contineri, sacer ille P O T O C I I Vesuvius;
quin fumaret tanto calentiùs, arderetq;
cum Byzantium destinasset, pyram rei Christianæ,
& cineris pugillum.

Quanquam & Pallanta suum, grandæuus Euander,
ex visceribus ipsis eruens, non continuit, sed effudit,
donauitq; rei Christianæ;

ne reliquias Europæ sorberet, fatalis in Bistone Turnus.

Ergo nobilissimus Sarmatarum P O T O C I V S,
vt Machometanā, in Voragine Viennensi, obturaret mephitim;
decretoria illa Turcis, sed triumphali Christianis die;
dum inter confertissimas acies, supra robur ætatis,
pugnat fortissime;

supra Mutios, Coclites, Leonidas,
omnium oculis elapsus, gloriosissimè occumbit;

innocenti sanguine, & spiritu, in campis Viennensibus fuso;
vt hiatu immenso barbarici cruoris, & voragine sua haustus,
portentosa molis concideret Orthomannus.

Sic cecidissæ POTOCLIVM oportuit,
sub Cruce Pilavia, nemine magis triumphante;
quàm qui, pro Cruce Christi vicerit seipsum;
Victoriâ sanè incomparabili;
in qua coronarum omnium speciosissima, mors est ipsa coronis.

*Sic cecidisti, inter Heroum gemmas, Vnio;
inter victimas electas, portio selectissima;
inter cordatissimos Heroum, virtutis summitas in puncto;
delicium quidem æui nostri; sed ingens seculis omnibus negotiū;
nec satis vnquam dicendum, nec satis admirandum.*

Sed cecidisti,
SS: INNOCENTII XI. PONTIFICIS Max:

Sacris lachrymis;
Augustissimi Imperatoris LEOPOLDI
iustis suspirijs;

Serenissimi, & Inuictissimi,
IOANNIS III.

alto Regali gemitu;
Celsissimorum Parentum, & Patriæ, POTOCLIANIq; sanguinis,
immenso dolore;

solius virtutis Heroicæ, tripudio, & plausu;
quæ Tibi Monumentum Triumphale,
in Sacello D. VINCENTII Martyris, dum erigit;
aureolam Tibi in Cælis, à Deo similem vouens,
aureis æternitati incidit literis;

hic situs est POTOCLIVS,
mortis gloriosissimæ, pro Orbe Christiano
ad Viennam,

Victoria, & Triumphus.



2.XIX.42



